

elektrane MHE JEZERO (1,23 mW) na rijeci Bijela, općina Trnovo.

Član 2.

Ova odluka stupa na snagu danom donošenja, a naknadno će se objaviti u "Službenim novinama Kantona Sarajevo".

Broj 01-02-1086/18 Predsjedavajuća
15. marta 2018. godine Općinskog vijeća Trnovo
Trnovo Emina Mehmedagić, s. r.

Odluka objavljena na oglasnoj ploči Općine Trnovo dana 15.03.2018. godine

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH", broj 49/06) i članova 38. i 117. Statuta općine Trnovo ("Službene novine Kantona Sarajevo", broj 12/08), Općinsko vijeće Trnovo, na 11. redovnoj sjednici održanoj 13.03. 2018. godine, donijelo je

PRAVILNIK

O STIPENDIRANJU UČENIKA I STUDENATA

Član 1.

Ovim Pravilnikom utvrđuju se osnove, način, kriteriji i postupak za ostvarivanje prava na dodjelu općinske stipendije učenicima u srednjoškolskom obrazovanju i studentima u visokoškolskom obrazovanju, koji se redovno školuju i koji imaju prebivalište na području općine Trnovo.

Član 2.

O stipendiranju učenika i studenata iz člana 1. ovog Pravilnika staraju se Služba za opću upravu, društvene djelatnosti, boračku, dječiju i socijalnu zaštitu i Služba za privredu, finansije i lokalni ekonomski razvoj Općine Trnovo.

Služba za opću upravu, društvene djelatnosti, boračku, dječiju i socijalnu zaštitu će:

- zaprimati prijave na konkurs;
- obezbijediti potrebne uslove za rad Komisije za provođenje konkursa;
- po završetku konkursa i izboru kandidata po odluci Općinskog načelnika nastaviti sve dalje aktivnosti vezane za sprovođenje odluke o izboru;
- pratiti realizaciju zaključenih pojedinačnih ugovora o stipendiranju.

Služba za privredu i finansije će:

- vršiti doznaku sredstava stipendistima putem ovlaštene poslovne banke.

Član 3.

Po utvrđenim i odobrenim godišnjim sredstvima u budžetu Općine Trnovo za stipendiranje učenika i studenata iz člana 1. Pravilnika, ukupna sredstva se procentualno dodjeljuju za:

- redovno školovanje učenika u srednjem obrazovanju 40%
- redovno školovanje studenata na visokoškolskim ustanovama 60%

Raspodjela sredstava može, po potrebi, biti i drugačija, u zavisnosti od broja prijavljenih kandidata za dodjelu stipendija za pojedine vrste školovanja.

Član 4.

Izbor kandidata za stipendiranje vrši se na osnovu prijave na Konkurs.

Općinski načelnik raspisuje konkurs i imenuje Komisiju za provođenje konkursa.

Konkurs sadrži:

- uslove i kriterije koje kandidati moraju ispunjavati;
- broj mjeseci na koje se stipendija odnosi i njen mjesečni iznos;
- rok za podnošenje prijave;
- potrebne isprave koje se prilažu uz prijavu na konkurs;
- adresu ili druge podatke (fax, e-mail) na koju se prijava na konkurs može podnijeti;
- druge eventualno potrebne podatke;

Konkurs se objavljuje na zvaničnoj web stranici i oglasnoj ploči općine Trnovo,

Rok za podnošenje prijave na konkurs za dodjelu stipendije iznosi 15 (petnaest) dana od dana objavljivanja.

Član 5.

Izbor kandidata vrši Općinski načelnik na osnovu prijedloga Komisije za provođenje konkursa (u daljem tekstu: Komisija), u skladu sa kriterijima utvrđenim ovim Pravilnikom.

Komisiju za provođenje konkursa posebnim Rješenjem imenuje Općinski načelnik.

U sastav Komisije imenuju se:

- 1 predstavnik Općinskog vijeća Trnovo,
- 1 predstavnik Službe za društvene djelatnosti općine Trnovo i
- 1 predstavnik Službe za privredu i finansije.

Na prvoj sjednici Komisije članovi Komisije će izabrati predsjednika Komisije.

Članovi Komisije neće dobivati novčanu naknadu za svoj rad, osim ako nisu uposlenici organa uprave, o čemu će se donijeti posebno rješenje.

Član 6.

Svaki učesnik u konkursu mora biti pismeno obaviješten o rezultatima izbora, najkasnije u roku od 15 dana od dana izbora.

Spisak svih izabranih kandidata za stipendiranje objavljuje se na oglasnoj ploči općine Trnovo.

Odluka Općinskog načelnika o izboru kandidata za stipendiranje je konačna.

Član 7.

Pravo učešća na konkursu za dodjelu stipendije imaju redovni učenici srednjih škola i redovni studenti visokoškolskih ustanova studijski program I i II ciklusa, a imaju prebivalište na području općine Trnovo ne manje od 1 godine, uz uslov da ne koriste stipendiju po drugom osnovu.

Pravo učešća imaju i dvoje ili više djece iz jednog domaćinstva, ako ukupna mjesečna primanja ne prelaze 700,00 KM.

Član 8.

Stipendije se isplaćuju za jednu redovnu školsku/akademsku godinu i isplaćivat će se 10 (deset) mjeseci.

Član 9.

Visina mjesečne stipendije iznosi:

- za učenike srednjih škola III i IV stepena 80.00 KM
- za studente društvenih smjerova 100.00 KM
- za studente tehničkih i medicinskog smjera 120.00 KM

Stipendije se ne dodjeljuju kandidatima:

- Vanredni učenici-studenti,
- koji se već stipendiraju iz drugih izvora,
- oni koji imaju mjesto prebivališta manje od 12 mjeseci na općini Trnovo,
- kandidati koji ponavljaju tekuću školsku godinu (više puta upis na tekuću godinu studija).

Član 10.

Prava i obaveze i druga pitanja o dodjeli i korištenju stipendije regulisati će se preciznije u međusobno zaključenom Ugovoru između odabranog stipendiste i Načelnika općine Trnovo.

Ugovor o stipendiranju učenika ili studenta sadrži: ime i prezime učenika ili studenta, JMBG, ime i prezime roditelja (staratelja) i njegovu tačnu adresu, broj telefona, JMBG roditelja (staratelja), naziv škole i međusobna prava i obaveze učenika ili studenta i Općine Trnovo.

Ugovor o stipendiranju potpisuju roditelj (staratelj) učenika, odnosno student s jedne strane i Općinski načelnik s druge strane.

Član 11.

Stipendije su nepovratne ukoliko stipendisti redovno ispunjavaju svoje školske obaveze.

Roditelj (staratelj) učenika i student koji je potpisnik Ugovora o stipendiranju dužan je da vrati sav iznos sredstava, uz pripadajuću zakonsku kamatu, u roku od godinu dana, koje je primio za stipendiranje po osnovu ovog Pravilnika u slučaju ako napusti redovno školovanje ili ako izgubi pravo na dalje školovanje iz neopravdanih razloga.

Načelnik općine Trnovo će putem Službe za društvene djelatnosti i Službe za privredu i finansije, obezbijediti kontrolu sprovođenja odredbi Ugovora i po potrebi pokretati postupke za raskid Ugovora i nadoknadu sredstava.

Član 12.

Načelnik općine Trnovo ima pravo da obustavi isplatu stipendije shodno uslovima po osnovu Pravilnika i u slučaju nedostatka finansijskih sredstava u budžetu Općine Trnovo planiranih za ovu namjenu, o čemu će korisnici stipendija biti pismeno obaviješteni.

Član 13.

Stupanjem na snagu ovog pravilnika prestaje da važi Pravilnik o stipendiranju učenika i studenata br. 01-38-99/16 od 06.01.2016. godine.

Član 14.

Ovaj pravilnik stupa na snagu danom objavljivanja na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-38-1082/18 Predsjedavajuća
15. marta 2018. godine Općinskog vijeća Trnovo
Trnovo **Emina Mehmedagić, s. r.**

Pravilnik objavljen na oglasnoj ploči Općine Trnovo dana 15.03.2018. godine



**JP "OLIMPIJSKI BAZEN OTOKA" D.O.O.
SARAJEVO**

Na osnovu člana 12. Zakona o javnim preduzećima u Federaciji Bosne i Hercegovine ("Službene novine Federacije BiH", broj 08/05, 22/09, 81/08 i 109/12), člana 263. stav 3., 340. stav 1., Zakona o privrednim društvima ("Službene novine Federacije BiH", broj 81/105), Statuta Javnog preduzeća "Olimpijski bazen Otoka" d.o.o. Sarajevo (Prečišćeni tekst), broj 01-01-1251/14 od 19.12.2014. godine, Odluke o izmjenama i dopunama Statuta broj 01-1-1064/17 od 21.09.2017. godine, Odluke o izmjenama i dopunama Statuta broj 01-1-1547/18 od 19.12.2017. godine i članova 50. i 51. Poslovnika o radu

Nadzornog odbora, Nadzorni odbor Javnog preduzeća "Olimpijski bazen Otoka" d.o.o. Sarajevo, na VIII redovnoj sjednici održanoj dana 30.03.2018. godine, jednoglasno donosi

ODLUKU

**O IMENOVANJU DIREKTORA JP "OLIMPIJSKI
BAZEN OTOKA" D.O.O. SARAJEVO**

Član 1.

Na funkciju dužnosti direktora imenuje se Enes Peštek, JMBG 0903977172179 iz Sarajeva, ulica Hekim Oglu Alipaše broj 60 po zanimanju magistar menadžmenta u sportu, koji JP "Olimpijski bazen Otoka" d.o.o. Sarajevo u smislu člana 39. stav 5. Zakona o registraciji poslovnih subjekata u FBiH ("Službene novine Federacije BiH", broj 27/05, 68/05, 43/09 i 109/12) zastupa bez ograničenja ovlaštenja.

Član 2.

Mandat direktora traje četiri (4) godine, počev od 03.04.2018. godine, i na istu funkciju može biti ponovno imenovan.

Član 3.

Direktor ima sva prava i obaveze u skladu sa zakonom i Statutom Javnog preduzeća "Olimpijski bazen Otoka" d.o.o. Sarajevo.

Položaj, ovlaštenja, odgovornosti i prava direktora bliže se uređuju ugovorom između Nadzornog odbora Javnog preduzeća "Olimpijski bazen Otoka" d.o.o. Sarajevo i direktora, uz saglasnost Skupštine.

Član 4.

Ova odluka stupa na snagu danom donošenja, a objavit će se u "Službenim novinama Kantona Sarajevo", kao i na oglasnoj tabli u sjedištu Javnog preduzeća u ulici Bulevar Meše Selimovića 83 b, u Sarajevu.

Član 5.

Na osnovu ove Odluke u Preduzeću će se izvršiti odgovarajuće promjene, i to:

- Promjena lica ovlaštenog za zastupanje - direktora Preduzeća

Broj 01-2-320-1/18
30. marta 2018. godine
Sarajevo

Predsjednica
Nadzornog odbora
Amina Mujkić, s. r.